

ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ  
**ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ**

22, Երևան, 0025, Ալեք Մանուկյան 1 • Республика Армения, Ереван, 0025, Алека Манукяна 1 • 1 Alex Manoogian st., Yerevan, 0025, Republic of Armenia  
(+374 10) 55-47-52, (+374 10) 55-46-41 (Fax), info@ysu.am, www.ysu.am

ք. Երևան

17.02.2024թ.

**Ո Ր Ո Շ ՈՒ Մ**  
**«ԵՊՀ-ԷԱՃԾՁԲ-24/16»**

**(գնումների գործընթացին մասնակցելու իրավունք չունեցող մասնակիցների ցուցակում ներառելու մասին)**

**ՊԱՐԶԵՑ**

«Երևանի պետական համալսարան» հիմնադրամի (այսուհետ՝ ԵՊՀ) կողմից 2023 թվականի դեկտեմբերի 22-ին տեղեկագրում ([www.gnumner.am](http://www.gnumner.am)) հրապարակվել է հյուրասիրությունների կազմակերպման ծառայությունների ձեռքբերման «ԵՊՀ-ԷԱՃԾՁԲ-24/16» ծածկագրով գնման ընթացակարգ (այսուհետ՝ Ընթացակարգ):

Ի թիվս այլ մասնակիցների Ընթացակարգին մասնակցության հայտ է ներկայացվել նաև «Ավրորա Սթար» ՍՊ ընկերության կողմից (հվհ՝ 01344983, այսուհետ՝ Ընկերություն):

Ընթացակարգի գնահատող հանձնաժողովի երկրորդ նիստի արձանագրության 8-րդ կետով Ընկերությունը Ընթացակարգի հրավերի 1-ին, 2-րդ, 3-րդ, 5-րդ և 6-րդ չափաբաժինների մասով ճանաչվել է 1-ին տեղ զբաղեցրած մասնակից:

Ընթացակարգի գնահատող հանձնաժողովի հաջորդ՝ 2024 թվականի փետրվարի 5-ի երրորդ նիստի արձանագրության 1-ին կետով ամրագրվել է, որ Ընկերությանը 2024 թվականի հունվարի 25-ին ներկայացվել է պայմանագիր կնքելու առաջարկ, սակայն վերջինս՝ Հայաստանի Հանրապետության գնումների մասին օրենսդրությամբ սահմանված կարգով պայմանագիր չի կնքել և այն համակարգ չի վերբեռնել, ուստի նույն նիստի արձանագրության 2-րդ կետով Ընթացակարգի գնահատող հանձնաժողովը որոշել է «Գնումների մասին» օրենքի (այսուհետ՝ Օրենք) 37-րդ հոդվածի 1-ին մասի 4-րդ կետի հիման վրա Ընթացակարգի համապատասխան չափաբաժինները համարել չկայացած:


Օրենքի 36-րդ հոդվածի 3-րդ մասի համաձայն «եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո սույն օրենքի 35-րդ հոդվածի 1-ին մասով նախատեսված ժամկետում (5 աշխատանքային օր) չի ստորագրում պայմանագիրը կամ պատվիրատուին չի ներկայացնում պայմանագրի և (կամ) որակավորման ապահովումը, իսկ կնքվելիք պայմանագրով կանխավճար նախատեսված լինելու դեպքում՝ նաև կանխավճարի ապահովումը, ապա **նա զրկվում է պայմանագիրն ստորագրելու իրավունքից**», իսկ Օրենքի 6-րդ հոդվածի 1-ին մասի 6-րդ կետի բ) ենթակետի համաձայն «մասնակիցն ընդգրկվում է նշված (գնումների գործընթացին մասնակցելու իրավունք չունեցող մասնակիցների) ցուցակում, եթե որպես **ընտրված մասնակից հրաժարվել կամ զրկվել է պայմանագիր կնքելու իրավունքից**»:

Վերոնշյալ փաստական հանգամանքների լույսի ներքո՝ հիմք ընդունելով վերոգրյալը, ինչպես նաև Օրենքի 6-րդ հոդվածի 2-րդ մասը.

### ՈՐՈՇԵՑ

Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով՝ սույն որոշումը կայացվելուն օրվան հաջորդող օրը այն տրամադրել լիազորված մարմնին և մասնակցին:

ԸՆԴՀԱՆՈՒՐ ՀԱՐՑԵՐՈՎ  
ԳԾՈՎ ՊՐՈՌԵԿՏՈՐ՝



Ա. Գ. ՄԱԼԽԱՍՅԱՆ